

H.d , hesta giştî li bal van hemerengên rêbaz û siyasetan ew bû ku em vêkre bê rewya ya zindankirînê ji bal desthilatekî Otoqratiê ê bê bext ve riswa bikin , û hevbendiyek xûrt di nav me de hebû li hember çî tawankari yên derheqa çî berekî ji me di hate kirin .

2- Çi bîranînên we yên balkêş di zindanê de hene ku cihên xwe kûr di hiş û giyanê we de girtine û nayên ji bîrkirin?

Bûyerên balkêş ku ji bo hevalan re tên tûmar kirin ew helwestên mêrane ku pêk tanîn. Li destpêka girtinê em di sêlulên ku bi drêjayîa (180) s.m û firehî (90)s.m a bûn , bi dirêjajîya salek û sê mehan, ji bilî sê betaniyên kevn û qirêj li cem her yek ji me tune bû, heya meha çile ya diduwa me ji bilî çekên havînî tunebûn, rehmetiyê Kin'an û Deham û Xalid ên ku ji nava xwe digazin ketin astengiyên tendurustiyên sext de , Xwarina me : rojek savara tisî û mast bû û roja dî petatên kelandî û mast bû , tenê roja îne, birinc û firşikek ku deh giram goştê bêlla tê de hebû, piştî du sal û heşt mehan em veguhestin zindan a Kelaê.

Li seretayî, mafê hepsî yên siyasî ên ku hepsiyên berî me jê sûd digirtin ji bo me jî pêk dihatin, lê piştî demekî, bêtir ji sed û pênçî peyamî gihîştin min ji bal rêxistinên cîhanî, Emnîstî Internasionaî û komelên Mafên Mirov , rêcîmekî nû bi sextî li me û hepsiyên din hate aloz kirin, û tû mafên hepsiyên siyasî ne ji me re û ne ji yên berî me re berdewam kirin. Piştî salekê me veguhestin, her yek çû hepsa herêma xwe û di ancama de em çend heval hatin hepsa Hisîça ya

nawendî û dîsan ew rêjîma Kelaê derbarê me de hate meşandin, ji bo hevdiştinên me û malbat û xizmanên me re , belgname ya Parastinê ê pêwîst bû, û peyvê me bi malbata me re gereke bi zarê Erebi be, êdî min daxuyan kir ku ez êdî malbata xwe pêşwazî nakim an jî emê bi zarê Kurdî bipeyvin, Piştî şeş mehan rêveberê hepsê min agihdar kir kû hevdiştinên min û mirovên min azad e bi çî zarî be.

3- Piştî van guhertinên mezin di hemî warên jiyanê de li cîhanê, hûn paşeroja gelê kurd bi tevayî û ya gelê me yê kurd li Sûriyê, bi taybetî çawa dixwînin?

Guhertinên li cîhanê pêk hatine, pêwîste ku em wan sercem ne nerxînin bi yek şeweyî û ne bi yek radeyî. Îro roj Emerîka wekî serkirdeyekî cîhanê; bizav dike kû pêwendiyên wî û çalakiyên wî di her welatî û bi her rêjîmî re cuda bin ji wan çalakiyên ku, di welat û bi rêjîmên din re bi cih tîne, wek nimûne ; helwestên wan li hember Îraq û Lîbiya, û li hember Kûriya û Îran de.

Îro Emerîka piştgirê Kurdê Îraqê ye, ji sedema ku Kurdê Îraqê piştgirê wan bûn dema cenga azadkirina Îraqê ; Lê Emerîka ji bo berjewendiyên xwe, pêve dajot ku çend armancên Turka li Îraqê pêk bîne , lê ew helwestên xurt ku miletê kurd pêk anîn, nemaze helwestên kak Mesûd ê Barzanî wergirt ne hiştin kû tu berjewendiyên Turka pêk bîn. Li ser vê bingeha han pêwîste em îstiratîgiya tevgera miletê kurd ava